

# Blackbox

Lectura captivanta, divertenta cun tematica seriosa

■ (LR/kk) Il bel giuven Jacko scappa d'ina gruppa cultic-mistica e chatta – cun agid da la clevera Flex e da ses aug Conny - puspè tar sasez. Il nov cudesch «Blackbox» da Barbara Bühner, scrit plain tempo e tensiun, è cumpari dacurt tar la Lia rumantscha. Flex, ina matta da 16 onns, è leda da pudair svanir dal pitschen caf lungurus ed ir a star cun sia mamma en ina gronda citad. Tar la midada gidan si'onda Petra e ses aug Conny. Sin via en la citad vegnan els fermads da dus umens curius che tschertgan in giuven «nar» ch'è fugì or dal sanatori! Aug Conny na crai betg propi questa istorgia. El chatta il giuven Jacko ed al prenda cun els en la citad. Ma tgi è propi il giuven che na lascha betg or d'egl ses cudesch verd? Tge ha el da far cun quels dus umens misterius? E tge è la Blackbox ch'el tema sco la mort? Flex, clevera, allegra e curaschusa s'inamurescha dal bel giuven che raquinta ina manzegna suenter l'autra a ses liberatur. I cumenza ina cursa plain tensiun cun il temp e cun in pèr figuras dubiusas.

Quest cudesch, che elavura ina tematica seriosa cun fin sensori psicologic, è adattà per il stgalim aut (a partir da 12 onns) e po vegnir retratg tar la Lia rumantscha u tar tut las librarías che vendan cudeschs rumantschs. Pretschn: fr. 14.00 il toc.



Il frontispizi dal cudesch Blackbox ch'è cumpari dacurt.